



日知錄卷之二十四

○祖孫

自父而上之皆曰祖書微子之命曰乃祖成湯是也自子而下之皆曰孫詩閟宮之篇曰后稷之孫實維太王又曰周公之孫莊公之子是也

○高祖

漢儒以曾祖之父爲高祖考之於傳高祖者遠祖之名爾左傳昭公十七年鄒子來朝曰我高祖少皞擊之立也則以始祖爲高祖書盤庚肆上帝將復我高祖之德亂越我家康王之誥張皇六師無壞我高祖寡命則以受命之君爲高祖文武至康左傳昭公十五年王謂籍談曰昔而高

爲高祖

文武至康

左傳昭公十五年王謂籍談曰昔而高

祖孫伯廙司晉之典籍則謂其九世為高祖十二年楚靈王謂右尹子辛曰昔我皇祖伯父昆吾亦謂其始祖之昆弟

○藝祖

書歸格于藝祖註以藝祖為文祖不詳其義人知宋人稱太祖為藝祖不知前代亦皆稱其太祖為藝祖唐玄宗開元十一年幸并州作起義堂頌曰東西南北無思不服山川鬼神亦莫不寧實惟藝祖儲福之所致十三年封泰山其序曰惟我藝祖文考精爽在天此謂唐高祖張說作享太廟樂章曰肅肅藝祖濳滔濬源有雄武劍作鎮金門玄宗貽緒后稷謀係此謂高祖之高祖諱熙追尊宣皇帝者也後漢高祖乾祐元年改元制曰昔我藝祖神宗開基撫

陶云太原縣志載元中八年神宗廟屬移葬祖神宗即太宗

運以武功平禍亂以文德致昇平此謂前漢高祖金世宗大定二十五年封混同江神册文曰仰藝祖之開基佳江神之效靈此謂金太祖然則是歷代太祖之通稱也

唐武宗會昌三年討劉蕡制曰頃者烈祖在藩先天啟聖是以玄宗為烈祖宋王旦封祀壇序烈祖造新邦臻大定經制而未遑神宗求至理致升平業成而中罷是以太祖為烈祖太宗為神宗亦古人之通稱也唐元稹行裝度制日佑我憲考為唐神宗古氏讀詩記引李氏曰本朝太宗稱神宗及神宗稱神宗則太宗不復稱神宗矣今按魏泰東軒筆錄稱太祖太宗為藝祖神宗

左傳哀二年衛太子禱曰曾孫蒯躓敢昭告皇祖文王烈祖康叔文祖襄公書文侯之命汝克昭乃顯祖烈祖顯祖

皆謂其始封之君此古人之通稱

冲帝

幼主謂之冲帝水經注漢冲帝詔曰翟義作亂於東霍鴻負倚蓋屋芒竹以孺子嬰為冲帝

考

古人曰父曰考一也易曰幹父之蠱有子考無咎書大誥若兄考乃有友伐厥子民養其勸弗救康誥子弟祇服厥父事大傷厥考心酒誥厥心臧聰聰祖考之彝訓尹伯奇履霜操曰考不明其心兮聽讒言自檀弓定為生日父死曰考之稱而為人子者當有所諱矣

○伯父叔父

古人於父之昆弟必稱伯父叔父本有但呼伯叔者若不
言父而但曰伯叔則是字之而已詩所謂叔兮伯兮伯兮
揭兮叔于田之類皆字也

今之天子稱親王為叔祖曾叔祖甚非古義禮天子稱同
姓諸侯曰伯父叔父稱其先君亦曰伯父叔父左傳昭九
年景王使魯桓伯辭于晉曰伯父惠公十五年景王謂籍
談曰叔父唐叔皆稱其先君為伯父叔父之證也故禮有
諸父無諸祖宋時亦有皇叔祖之稱而無高曾見容齋四筆

族兄弟

書克明俊德以親九族鄭康成謂九族者據已上至高祖
下及玄孫之親左傳襄公十二年凡諸侯之喪同宗臨於

祖廟同族於禰廟註同族謂高祖以下是也故晉叔向言
盱之宗十一族賈誼新書人有六親六親始曰父父有二
子二子為昆弟昆弟又有子子從父而昆弟故為從父昆
弟從父昆弟又有子子從祖而昆弟故為從祖昆弟從祖
昆弟又有子子從曾祖而昆弟故為曾祖昆弟曾祖昆弟
又有子子為族兄弟備於六此之謂六親是同高祖之兄
弟即為族族非疏遠之稱漢書張敞傳廣川王同族宗室
劉調等同族言其與王近親
顏氏家訓凡宗親世數有從父有從祖有族祖江南風俗
自茲以往皆云族人河北雖二三十世猶呼為從伯從叔
梁武帝嘗問一中土人曰卿北人何故不知有族答云骨
肉易疏不忍言族耳梁書夏侯惇宗人夏侯滄為衡陽
內史辭曰曹侍御座高祖謂曹曰夏

卿疏近曹答曰是臣從弟高祖知溢於曹已疏乃
卿舍人好不辨族從曹對曰臣聞服屬易疏所以不忍
言當時雖為敬對於理未通

○親戚

史記宋世家箕子者紂親戚也馬融王肅以為紂之諸父
服虔杜預以為紂之庶兄

路史謂但言親戚非諸父昆弟之稱非也曲禮兄弟親戚
稱其慈也疏曰

親指族內
戚指族外古人稱其父子兄弟亦曰親戚韓詩外傳曾子

曰親戚既沒雖欲孝誰為孝此謂其父母左傳僖公二十
四年封建親戚以蕃屏周此謂其子弟昭公二十年棠君
尚謂其弟員曰親戚為戮不可以莫之報也三國志張昭

謂孫權曰况今姦宄競逐豺狼滿道乃欲哀親戚顧禮制

此謂其父兄戰國策蘇秦曰富貴則
親戚畏懼蓋指其妻嫂

哥

唐時人稱父為哥。舊唐書王琚傳：玄宗泣曰：四哥仁孝，同氣。惟有太平睿宗行四故也。玄宗子棣王琰傳：惟三哥辨其罪。玄宗行三故也。有父之親，有君之尊，而稱之為四哥。三哥亦可謂名之不正也已。

玄宗與寧王憲書稱大哥。

又有同王真公主過大哥園池詩

則唐時宮中

稱父稱兄皆曰哥。

妻子

今人謂妻為妻子，此不典之言。然亦有所自。韓非子鄭縣人卜子使其妻為袴，其妻問曰：今袴何如？夫曰：象吾故袴。妻子因毀新令如故袴。杜子美詩：結髮為妻子，席不煖君

牀

稱某

經傳稱某有三義。書金縢：惟爾元孫某。史文諱其君，不敢

名也。

史記高祖紀：高祖奉玉卮起為太上皇。壽曰：今某之業所就，孰與仲多？與此同。

春秋宣公六

年公羊傳：於是使勇士某者，往殺之。傳失其名也。禮記曲

禮內事曰：孝王某。外事曰：嗣王某。儀禮士冠禮：某有子某。

論語：某在斯，某在斯。通言之也。

左傳襄公三十年：書曰：某人某人會于澶淵。此又足

不能悉數之辭

周人以諱事神。牧誓之言：今予發武成之言：周王發生則

不諱也。金縢之言：惟爾元孫某。追錄於武王既崩之後，則

諱之矣。故禮卒哭乃諱。

山泉

卷之二十一

五

易幹父之蠱有子考无咎言父又言考書予恐來世以台
 為口實言予又言台汝猷黜乃心言汝又言乃予念我先
 神后之勞爾先言予又言我越予冲人不印自恤言予又
 言印詩豈不爾愛既其女遷言爾又言女論語吾不欲人
 之加諸我也孟子我善養吾浩然之氣言我又言吾左傳
 爾用而先人之治命今監本脫而言爾又言而女喪而宗
 室言女又言而史記張儀傳若善守汝國我顧且盜而城
 言若言汝又言而詩王子出征以佐天子言王又言天子
 乃命魯公俾侯于東言公又言侯穀梁傳言君之不取為
 公也言君又言公范甯解上言君左傳以其子更公女而

嫁公子言公女又言公子史記齊世家子我盟諸田於陳
 宗言田又言陳皆互辭也

豫名

詩鳥乃去矣后稷呱矣子初生而已名之為后稷也為韓
 姑相攸女在室而已各之為韓姑也皆因其異日之名而
 豫名之亦臨文之不得不然也

重名

古經亦有重言之者書自朝至于日中昃不遑暇食遑即
 暇也詩無已太康已即太也既安且寧安即寧也既庶且
 多庶即多也左傳一薰一蕕十年尚猶有臭尚即猶也周
 其有頤王亦克能修其職克即能也禮記人喜則斯陶則

日知錄 卷之二十四 卽斯也

○后

白虎通曰天子之配商之前皆稱妃周始立后

晉書后妃傳序亦云

爰自夏古是謂元妃

今考帝嘗四妃帝舜三妃以至周初

太姜太任太姒邑姜皆無后名

以太姒為后妃乃後人之論

而詩書所

云后皆君也春秋桓八年魯公來遂逆王后于紀襄十五

年劉夏逆王后于齊於是始稱后曲禮天子有后有夫人

有世婦有嬪有妻有妾又云天子之妃曰后而宣王晏起

姜后脫簪見於列女之傳此周人立后之據惟左傳哀元

年后緡太姬是夏時事疑此後人追稱之辭自春秋以下

之文則有以君為后者

如泰姁大象及內則稱后王

有以妃為后者

然於書傳矣

人君之號唐虞曰帝夏曰后商曰王然帝王天子所專后

則諸侯皆得稱之

周禮量人註后君也言君容王與諸侯易疏凡象稱先王者唯施於天子稱后

者兼諸侯

故書言肆覲東后群后四朝禹乃會群后誓于師伊

訓之祠先王侯甸群后咸在周王大告武成亦曰嗚呼群

后而后夔后羿伯明后寒之稱皆見於傳胤征之篇亦稱

胤后康王作畢命曰三后協心同底于道穆王作呂刑曰

乃命三后恤功于民然則禹之降帝而稱后是禹之謙禹

之不矜也

諸侯謂之群后故天子獨稱元后

漢時郡守之於吏民亦有君臣之分故有稱府主為后者

漢武都太守李翕西狹頌云赫赫明后柔嘉維則桂陽太守周憬銘云懿賢后兮發聖英晉應詹為南平太守百姓歌之曰僥倖之運賴茲應后蘭亭宴集有郡功曹魏滂詩云明后欣時豐駕言映清瀾

王

三王之名自後人追稱之而禹之為王未嘗見於書也甘誓王曰嗟六事之人予誓告汝胤征胤后承王命徂征而夏小正言十有一月王狩夏之王見於書者始此然無稱禹為王者經傳之文凡言夏必曰夏后氏唐沈既濟議云夏殷二代為帝者三十世矣而周人通名之曰王恐亦未然書多士自成湯至于帝乙而左傳實人之箴曰在帝夷羿固君人者之通稱矣

周人之追王止於太王而組紺已上至后稷則謂之先公詩論祀蒸嘗于公先王是也通言之則亦可稱之為王書武成惟先王建邦啟土周語太子晉諫靈王自后稷之始基靖民十五王而文始平之十八王而康克安之是也

王而尊之曰帝黃歇上秦昭王書先帝文王武王王之身三世不忘接地於齊以絕從親之要是也史記秦本紀昭王十九年王為西帝已而復去之文王武王獨稱先帝者曲禮曰措之廟立之主曰帝王而等之曰諸侯漢王告諸侯曰願從諸侯王擊楚之殺義帝者是也

○君

古時有人臣而隆其稱曰君者周公若曰君奭是也篇中言君奭者四但言君者六而成王之書王若曰君陳穆王

周云丞相御史
程守五歲助為
今稱太守武市
賜手曰君厥亦
以之唐心移君

周云史記齊奔
紀一年而所居
成郡之牛成邑
三年成郡奔已
為新食取曰都君
非人臣也

之書王若曰嗚呼君牙皆此例也猶漢時人主稱丞相為

君侯也漢書兒寬為御史大夫奉禮記坊記云大夫不稱

君恐民之惑也故春秋傳中稱君者皆國君然亦有卿大

夫而稱為君者莊十一年楚鬬廉語屈瑕曰君次于郟

以禦四邑襄二十五年鄭子產對晉士莊伯曰成公播蕩

又我之自入君所知也文十年楚范巫裔似謂成王與子

通謂至家臣則直謂其主曰君昭十四年司徒老和慮癸

謂南蒯曰羣臣不忘其君二十八年晉祁盈之臣曰憇使

吾君聞勝與臧之死也以為快哀十四年宋司馬命其從

攻桓氏其父兄故臣曰不可其新臣曰從吾君之命是也

猶鄭伯有之臣儀禮喪服篇公士大夫之眾臣為其君布

帶繩屨傳曰君謂有地者也鄭氏曰天子諸侯及卿大夫

有地者皆曰君晉語三世仕家君喪大記大夫君孔氏曰

大夫之臣稱大夫為君周禮調人註主大夫君也此則上

下之通稱不始於後代矣

人臣稱君自三代以前有之孟子象曰謨蓋都君

漢書高帝紀爵或人君上所尊禮師古曰爵高有國邑者

則自君其人故曰人君也上謂天子

漢時曹掾皆稱其府主為君至蒼頭亦得稱其主人為君

後漢書李善傳君夫人善在此是也女亦得稱其父為君

漢書王章傳我君素剛先死者必我君是也婦亦得稱其

舅為君爾雅姑舅在則曰君舅君姑沒則曰先舅先姑淮

南子君公知其盜也逐而去之列女傳我無樊衛二姬之行故君以責我是也

喪服妾為君鄭氏註曰妾謂夫為君者不得體之加尊之也雖士亦然

○主

春秋時稱卿大夫曰主周禮太宰九兩六曰主以利得民註鄭司農云主謂公卿大夫調人

主友之讎註主大夫君也禮記禮運仕於公曰臣仕於家曰僕方氏曰臣者對君之稱故仕於公曰臣而諸侯稱君僕者對主之稱故仕於家曰僕而大夫稱主

故齊侯唁昭公稱主君子家子曰

齊與君矣而南唐降號江南國主亦以奉中國正朔自貶

其號若劉立德帝蜀諡昭烈葬惠陵初無貶絀未帝降魏

封為安樂公自可即以本封為號陳壽作三國志創立先

主後主之名常璩蜀志因之三國志載鍾會檄蜀將士吏民稱昭烈為益州先主先主

之名蓋始於此乃是魏人所稱孫以晉承魏統義無兩楚為石苞與孫皓書亦云吳之先主

帝今千載之後而猶沿此稱殊為不當况改漢為蜀亦出

壽筆黃氏曰抄曰蜀者地名非國名也昭烈以漢名未嘗以蜀名也不特昭烈未嘗以蜀名雖孫氏之盟亦曰漢吳既盟同討魏賊是天下未嘗以蜀名之名之者魏人也

當時魏已篡漢改稱昭烈

為蜀使不得附漢統異代文人不察史家阿枉之故若杜

甫詩中便稱蜀主殊非知人論世之學也昔劉知幾論後

漢書劉玄列傳以為東觀秉筆客或諂於當時後來所修

理宜刊革今之君子既非曹氏司馬氏之臣不當稱昭烈

為先主矣綱目亦書帝禪為後主姚燾深以為非見元史傳

諸葛孔明書中亦多有稱先主者本當是先帝傳之中原

周云國語侯施
謂里先妻曰主
孟當我卿大夫之
妻也稱主朝國
又曰主君稱侯
奉秉甘茂引果
羊云主君之力
勅策者君擇言
稱主君之孝云
一指執事侯一指
燕惠王也

改為先王耳杜微傳載孔明書朝廷主公今年始十八亦無稱朝廷為王公之理是後人所改
王者次於君之號蘇林解漢書公主云婦人稱主引晉語
主孟昭我

○陛下

賈誼新書天子卑號稱陛下蔡邕獨斷陛階也所由升堂也天子必有近臣執兵陳於陛側以戒不虞謂之陛下者羣臣與天子言不敢指斥天子故呼在陛下者而告之因卑達尊之義也記曰君子於其所尊弗敢質敬之至也上書亦知之及群臣士庶相與言曰殿下閣下執事之屬皆此類也據此則陛下猶言執事後人相沿遂以為至尊之稱許善心以陳臣其祭陳叔寶文稱陛下召問善心言陛下者本是呼執事之人與尊號不同專乃得釋然後世非天子亦不敢用

○足下

今人但見史記秦閻樂數二世稱足下遂以為相輕之辭不知乃戰國時人王之稱也如蘇代遺燕昭王書樂毅報燕惠王書蘇厲與趙惠文王書皆稱足下又如蘇秦謂燕易王范雎見秦昭王蘇代謂齊湣王齊人謂齊湣王孟嘗君舍人謂衛君張弓謂魯君趙郝對趙孝成王酈生說沛公張良獻項王亦皆稱足下漢書文帝紀丞相臣平太尉臣勃大將軍臣武御史大夫臣蒼宗正臣鄧朱虛侯臣章東牟侯臣興居典客臣揭再拜言大王足下

宋書西南夷傳載諸國表文訶羅陀國稱聖王足下又稱天子足下阿羅單國稱大吉天子足下闍婆婆達國稱宋

國大王大吉天子足下天竺迦毗黎國稱大王足下梁書諸夷傳表文盤盤國稱常勝天子足下于陁利國稱天子足下狼修牙國稱大吉天子足下婆利國稱聖王足下

閣下

趙璘因話錄曰古者三公開閣郡守比古之侯伯亦有閣

故世俗書題有閣下之稱漢書王尊傳直符史詣閣下從太守受其事前輩呼

刺史太守亦曰節下與宰相大僚書往往稱執事言閣下

之執事人耳劉子玄為史官與監修宰相書稱足下韓文

公與使王張僕射書稱執事即其例也若記室本繫王侯

賓佐之稱晉左思稱左記室梁何遜稱何記室他人亦非所宜執事則指其

左右之人尊卑皆可通稱侍者則士庶可用之近日官至

使府御史及畿令悉呼閣下至於初命賓佐猶呼記室今

則一例閣下上下無別其執事纔施於舉人侍者止行於

釋子而已今之布衣相呼盡曰閣下雖出於浮薄相戲亦

是各分天壤矣彭乘墨客揮犀同

謝在杭五雜俎言閣夾室也以板為之禮記內則天子之

閣左達五右達五檀弓曾子曰始死之奠其餘閣也與蓋古人置此以度飲

食之所即今房中之板閣而後乃廣之為樓觀之通名如

石渠天祿麒麟之類三輔黃圖云皆蕭何造或以藏書或以繪像或

以為登眺游覽之所司馬相如土林賦高閣者門旁小戶

也說文董賢傳與孔光並為三公上故令賢私過光光

既下車因設館於其旁即謂之閣漢書公孫弘傳開東閣

適出

以延賢人師古曰閣者小門也東向開之古人坐以避當東向為尊

庭門而引賓客以別於掾史官屬如今官署角門旁有延

賓館是也朱雲傳薛宣謂雲曰且留我東閣可以觀四方奇士故蕭望之傳言自引

出閣而傳不疑傳暴勝之為直指使者不疑至門勝之開

閣延請是凡官府皆有閣不獨三公也韓延壽傳行縣至

高陵入臥傳舍閉閣思過如今之閉角門不聽官屬入也

嚴延年傳母閉閣不見朱博傳召見功曹閉閣數責此又

是閉角門不聽出也東晉太極殿有東西閣唐制倣之以

宣政為前殿紫宸為便殿前殿謂之正衙天子不御前殿

而御紫宸乃自正衙喚仗錄閣門而入百官候朝于衙者

因隨以入見謂之入閣唐六典宣政殿之左曰東上閣右曰西上閣蓋中門不

啟而開角門也爾雅小閨謂之閤閤即門也故金門亦謂之金閤謝朓詩既通金

閨籍文翁傳諸生傳教令出入閨閣師古曰閨閣內而

中小門也太史公報任少卿書身直為閨閣之臣

室中之門亦或用此為稱後漢書曹大家傳時漢書始出

下從昭是則二字之義本自不同漢舊儀曰丞相聽事門

曰黃閣不敢洞開朱門以別於人主故以黃塗之謂之黃

閣朱書百官志黃閣主簿省錄眾事鄧琬傳太宗定亂

暴亂既除殿今代以文淵閣藏書而大學士主之故謂之

閣老蓋亦論經石渠校書天祿之遺意爾然西東但有閣

而未以為官曹之稱至後漢始謂之臺閣古詩為焦仲卿

作云汝是大家子仕宦於臺閣陳壽三國志評曰魏世事

繞臺閣重內輕外故八座尚書即古六卿之任也裴松之

三國志註引魏畧曰薛夏為秘書丞嘗以公事務蘭臺蘭臺自以臺也而秘書署耳謂夏為不得移推使當有坐者夏報之曰蘭臺為外臺秘書為內閣臺閣一也何不相移之有蘭臺屈無以折自是之後遂以為常魏張閣唐書職字子臺官志光宅元年九月改門下省為鸞臺中書省為鳳閣李國史補宰相相呼為堂老兩省相呼為閣老杜子美奉贈嚴八閣老詩云扈從登黃閣困學紀聞曰給事中屬門下省開元曰黃門省故曰黃閣左拾遺亦東省之屬故曰官曹可接聯又將起成都草堂途中寄嚴鄭公詩云生理祇憑黃閣老此特借黃門為黃閣而亦本於漢人臺閣之稱唐書楊綽傳故事舍人年久者為閣老然則今之內閣實本於此而非取三公黃閣之義其言入閣辦事謂入此內閣爾而與唐之隨仗入閣不相蒙也閣下之稱猶云臺下古今異名亦何妨乎

相

管子曰黃帝得六相宋書百官志曰殷湯以伊尹為右相仲虺為左相然其名不見於經惟書說命有爰立佶相之文而左傳定公元年薛宰言仲虺居薛以為湯左相禮記月令命相布德和令註相謂三公相王之事也正義曰案公羊隱五年傳曰三公者何天子之相也自陝而東者周公王之自陝而西者召公主之一相處乎內是三公相王之事也至六國時一人知事者特謂之相故史記稱穰侯范雎蔡澤皆為秦相後又為丞相也如魏文侯卜相十李秦國有之史記秦武王二年初置丞相杜氏通典曰黃帝六相堯十六相為之輔相不必名官是則三代之時言相者皆非官名在王

左右之人書曰相祓冕服憑玉几高宗立如孟子言舜相

傅說為相而曰王置諸其左右亦此意也堯禹相舜益相禹伊尹相湯周公相武王禮記明堂位周

公相武王之類耳左傳桓公二年太宰督遂相宋公莊公

九年鮑叔言于齊侯曰管夷吾治于高侯使相可也昭公

九年祁午謂趙文子曰子相晉國按當時官名皆不謂之

相荀子言孫叔敖相楚傳止言為令尹淮南子言子產為

相鄭相國傳止言執政左傳羽父請殺桓公以求太宰

史記則云君哀公十七年右領左車與左史老皆相令尹

司馬以伐陳又是相二官而非相楚王論語今由與來也

而非相惟襄公二十五年崔杼立景公而相之慶封為左

相則似真以相名官者定公十年公會齊侯于夾谷孔丘

相杜氏解曰相會儀也如願為小相焉之相史記孔子世

家乃云孔子為大司寇攝相事是誤以儷相之相為相國

之相不知魯無相名有司寇而無大司寇也禮記正義引

侯三卿司徒兼冢宰司馬兼宗伯司空兼司寇三卿之下

有五大夫五大夫者司徒之下立二人小宰小司徒司馬

之下以其事省立一人為小司馬兼宗伯之事司空之下

亦二人小司寇小司空今夫子為司空者為小司空也從

小司空為小司寇也崔所以知然者魯有孟叔季三卿為

政又有臧氏為司寇故知孔子為小司寇按左傳隱二

年司空無駭杜氏註魯司徒司馬司空皆卿也然則臧紇

為司寇亦小司寇也朱子論語集註引此亦不覺其誤

將軍
春秋傳晉獻公作二軍公將上軍太子申生將下軍是已
有將軍之文而未以為名也至昭公二十八年闕沒女寬
對魏獻子曰豈將軍食之而有不足正義曰此以魏子將
中軍故謂之將軍及六國以來遂以將軍為官名蓋其元

起於此公羊傳將軍子重諫曰穀梁傳使狐夜姑為將軍
孟子魯欲使慎子為將軍墨子昔者晉有六將軍而智伯
莫為強焉莊子今將軍兼此三者盜跖淮南子趙文子問
於叔向曰晉六將軍其孰先亡張武為智伯謀曰晉六將
軍又曰魯君召子貢授之將軍之印而國語亦曰鄭人以
詹伯為將軍又曰吳王夫差黃池之會十行一嬖大夫十
旌一將軍禮記檀弓衛將軍文子之喪史記司馬穰苴傳
景公以為將軍封禪書杜主者故周之右將軍越世家范
蠡稱上將軍魏世家令太子申為上將軍戰國策梁王虛
上位以故相為上將軍漢書百官表曰前後左右將軍皆
周末官通典曰自戰國置大將軍楚懷王與秦戰秦敗楚
虜其大將軍屈丐至漢則定以為官名矣

相公

前代拜相者必封公故稱之曰相公若封王則稱相王司馬

文王進爵為王荀顛曰相王尊重是也晉簡文帝及會稽王道子亦稱相王自洪武中革去水

相之號則有公而無相矣即初年之制亦不盡沿唐宋有
相而不公者胡惟庸是也有公而不相者常遇春之倫是
也封公拜相惟李善長徐達三百年來有此二相公耳
魏王粲從軍行相公征關右赫怒震天威羽獵賦相公乃
乘輕軒駕四駱相公二字似始見此

司業

國子司業以為生徒所執之業非也唐歸崇敬授國子司

業上言司業義在禮記樂正司業正長也言樂官之長司
主此業爾雅云大版謂之業按詩周頌設業設虞崇牙樹
羽則業是懸鐘磬之簞虞也今太學既不教樂於義無取
請改國子監為辟雍祭酒為太師氏司業一為左師一為
右師詔下尚書集百僚定議以聞議者重難改作其事不
行按靈臺之詩曰虞業維樅卽此業字傳曰業大版也所
以飾栒為縣也捷業如鋸齒或白晝之爾雅大板謂之業
左氏昭九年傳辰在子卯謂之疾日君微宴樂學人舍業
禮記檀弓大功廢業竝謂此也宋徐爰誤解此義而曰夫
功廢業三年喪何容讀書
懸者常防其墜故借為敬謹之義書之兢兢業業詩之赫
赫業業有震且業是也爾雅業
業危也凡人所執之事亦當敬謹

晏紫亭林此語
心頗疑晚出
為書

故借為事業之義易傳之進德修業可大則賢人之業盛
德大業禮記之敬業樂羣是也然三代詩書之文竝無此
義而業廣惟勤一語乃出於梅願所上之古文尚書

梁劉勰文心雕龍謂論語以前經無論字六韜三論後人
追題今周官篇有論道經邦之語蓋梅願古文之書其時
未行然卽此二字業字
論字亦足以察時世言語之不同矣

○翰林

唐書職官志曰翰林學士之職本以文學言語備顧問出
入侍從因得參謀議納諫爭而翰林院者待詔之所也雍
錄
日翰林院在大明官右銀臺門唐制乘輿所在必有文辭
為稍還北有門榜曰翰林之門
經學之士下至卜醫伎術之流皆直於別院以備燕見而

文書詔令則中書舍人掌之太宗時名儒學士時時任以
草制然猶未有名號乾封以後始號北門學士玄宗之代
張說陸堅張九齡徐安貞張垙等召入禁中謂之翰林待
詔掌中外表疏批答應和文章繼以詔勅文告悉繇中書
每多壅滯始選朝官有辭藝學識者入翰林供奉亦有無
官而得
入者如李 然亦未定名制開元二十六年始改翰林供奉
白見也 爲學士別置學士院專掌內命至德以後天下用兵軍國
多務深謀密詔皆從中出置學士六人內擇年深德重者
一人爲承旨以獨當密命故也德宗好文尤難其選貞元
以後爲學士承旨者多至宰相參取新
舊二志而其官不見於唐
六典蓋書成於張九齡其時尚未置也

舊書言翰林院有合棟僧道卜祝術藝書奕各別院以廩

之職官陸贄與吳通玄有隙乃言承平時工藝書畫之徒

待詔翰林比無學士請罷其官通玄其見於史者天寶初

嵩山道士吳筠乾元中占星韓穎劉烜貞元末奕碁王叔

文侍書王伾元和末方士柳泌浮屠大通寶曆初善奕王

倚興唐觀道士孫泚竝待詔翰林小說玄宗時有翰林
善圍碁者王積薪又

如黎幹雖官至京兆尹而其初亦以占星待詔翰林而貞

元二十一年二月丙午罷翰林醫工相工占星射覆冗食

者四十二人順宗寶曆二年十二月庚申省教坊樂官翰

林待詔伎術官并總監諸色職掌內冗員共一千二百七

十人文宗此可知翰林不皆文學之士矣趙璘因話錄云

文宗賜翰林學士章服續有待詔欲先賜本司以召上上
曰賜君子小人不同日且待別日善錄曰漢吾丘壽王以
上書願養馬黃門金日磾與弟倫及入官輪黃門養馬師
古曰黃門之署職任親近以供天子百物在焉故亦有畫
工又武帝令黃門畫周公負成王圖以賜霍光則是黃門
之地凡善格五者能養馬者能養者皆得居之故知唐
世雜藝之士供奉翰
林者正用此例也

成化三年以明年上元張燈命翰林院詞臣撰詩詞編修
章懋黃仲昭檢討莊昶上疏言翰林之官以論思代言為
職雖曰供奉文字然鄙俚不經之詞豈宜進於君上固不
可曲引宋神蘇軾之教坊致語以自取侮慢不敬之罪臣
等又嘗伏讀宣宗章皇帝御製翰林箴有曰啟沃之言惟
義與仁堯舜之道鄒孟以陳今張燈之舉恐非堯舜之道

應制之詩恐非仁義之言臣等知陛下之心卽祖宗之心
故不敢以是妄陳于上伏願采芻蕘之言於此等事一切
禁止上怒命杖之謫懋昭武知縣仲昭湘潭知縣利桂陽
州判官各調外用已而諫官為之申理乃改懋仲昭南京
大理寺評事昶南京行人司司副自此翰林之官重矣

○洗馬

越語句踐身親為夫差前馬韓非子云為吳王洗馬洗音
銑淮南子云為吳兵先馬走當作吳王荀子天子出門諸侯持
輪挾輿先馬賈誼新書楚懷王無道而欲有霸王之號鑄
金以象諸侯人君令大國之王編而先馬梁王御宋王驂
乘滕薛衛中山之君隨而趨然則洗馬者馬前引導之人

也亦有稱馬洗者大韜賞及牛豎馬洗廐養之徒漢書百官表太子太傅少傅屬官有先馬張晏曰先馬員十六人秩比謁者先或作洗又考周禮齊右職云凡有牲事則前馬註王見牲則拱而式居馬前卻行備驚奔也又道右職云王式則下前馬是此官古有之矣莊子黃帝將見大隗乎具茨之山張若謏朋前馬

比部

周禮小司徒及三年則大比大比則受邦國之比要註大比謂使天下更簡閱民數及其財物也鄭司農云五家爲比故以比爲名今時八月案比是也莊子云禮法度數刑名比詳唐時刑部有刑比音都官司門四曹通典比部郎

中龍朔二年改爲司計大夫咸亨元年復舊天寶十一載又改比部爲司計至德初復舊舊唐書職官志比部郎中員外郎之職掌勾諸司百寮俸料公廨贖調歛徒役課程逋懸數物周知內外之經費而總勾之楊炎傳初國家舊制天下財賦皆納於左藏庫而太府四時以數聞尚書比部覆其出入宋史職官志比部郎中員外郎掌勾覆中外帳籍凡場務倉庫出納在官之物皆月計季考歲會從所隸監司檢察以上比部至則審覆其多寡登耗之數考其陷失而理其侵負山堂考索會計逋欠每三月一比謂之比部故昔人有刑罰與賦歛相爲表裏之說今四曹改爲十三司而財計之不關刑部久矣乃猶稱郎官爲比部

何邪

○員外

員外之官本為冗秩舊唐書李嶠傳嶠為吏部時志欲曲行私惠冀得復居相位奏置員外官數千人猶近日天啟未之添註京

堂以至官寮倍多府庫減耗事在中宗神龍二年通鑑大

官自京司及諸州凡二千餘人宦官超遷七品以上員外官者又將千人册府元龜李嶠韋嗣立同居選部多引用權勢請置員外官一千餘員其員外官悉恃又有謂之形勢與正官爭事百司紛競至有相毆擊者

員外置同正員者迨乎玄宗猶不能盡革故肅宗乾元二年九月詔曰應州縣見任員外官竝任其所適其中有材

識幹濟曾經任使州縣所資者亦聽量留上州不得過五人中州不得過四人下州不得過三人上縣已上不得過

一人今則副郎而取名員外於義何居當錄定制之初王爵諸臣未考源流有乖名實子不云乎必也正名則斜封墨敕之朝不可沿其遺號矣

○主事

後漢光祿勳有南北庭主事主三署之事於諸郎之中察茂材者為之然其職不過如掾史之等故范滂遷光祿主事時陳蕃為光祿勳滂執公儀詣蕃蕃亦不止滂懷恨投版棄官而去後因郭泰之言蕃乃謝之而張霸載封戴就公沙穆竝以孝廉為光祿主事其他府寺則不聞有此名也宋書百官志中書通事舍人下云其下有主事本用武官宋改用文吏至後魏則於尚書諸司置主事今史隋場

帝去令史之名但曰主事唐時竝流外爲之尚書省主事
六人從九品上門下省主事四人中書省主事四人竝從
八品下而劉祥道上疏言尚書省二十四司及門下省中
書都事主書主事等比來選補皆取舊任流外有力筆之
人縱欲參用士流皆以情類爲狀前後相承遂成故事寧
有釐革稍清其選事竟不行裴光庭傳任門下省主事開
麟之專主過官凡麟之裁定
光庭輒然可時詔曰麟之曰光庭手元載傳大曆十二
年三月庚辰上御延英殿命左金吾大將軍吳湊載及
丁籍于政事堂各留繫本所并中書主事
卓英倩李符榮及載男仲武季熊並收禁
宋史職官志門
下省吏四十有九錄事主事各三人令史六人書令史十
有八人守當官十有九人魏仁浦傳自樞密院小吏遷兵
房主事楊意傳時以吏部銓主
事前直黃簿王大冲爲大理丞評事億以吏
之賤不宜任清秩封還詔書未幾大冲補外是在前代皆

掾史之任也明初設六部主事意亦倣此永樂十四年永
沂伯許成以檀杖工部主事王景亮被勘

○主簿

周禮司會註主計會之簿書疏云簿書者古有簡策以記
事若在君前以笏記事後代用簿簿今手版故云史嘗持
簿簿則簿書也漢御史臺有此官御史大夫張忠署孫寶
爲主簿而魏晉以下則寺監以及州郡竝多有之杜氏通
典州佐條下云主簿一人錄門下衆事省署文書漢制也
歷代至隋皆有又引晉習鑿齒爲桓溫荊州主簿親遇深
密時人語曰徒三十年看儒書不如一詣習主簿在當時
爲要也

即中待詔

北人謂醫生為大夫南人謂之即中鑷工為待詔木工金

工石工之屬皆為司務其名蓋起於宋時老學菴筆記北

人謂醫為衙推舊唐書鄭注傳以藥術依李愬署為節度

衙推北夢瑣言莊宗好俳優言中暇日自

負著囊藥使令能安破帽相隨以後交劉叟以醫卜相

為業后方晝寢繼及造其跡內自稱劉衙推訪女卜相

為巡官巡官唐五代郡僚之名或以其巡游賣術故有此

稱亦莫詳其所始也舊唐書音樂志隋末河內有

武二十六年十二月丙戌命禮部申禁軍民人等不得用

太孫太師木保待詔大官即中等字為名稱

外郎今人以吏員為外郎按史記秦始皇紀近宮三郎索隱曰

三郎謂中郎外郎散郎通典漢中郎將分掌三署郎有議

郎中郎侍郎即中凡四等皆無員多至千人掌門戶出充

車騎其散郎謂之外郎今以之稱吏員乃世俗相褒之辭

○門子

門子者守門之人舊唐書李德裕傳吐蕃潛將婦人嫁與

此州門子是也王智興為徐州門子今之門子乃是南朝時所謂縣

僮梁書沈瑀傳為餘姚令縣南有豪族數百家子弟縱橫

遞相庇蔭厚自封殖百姓甚患之瑀召其老者為石頭倉

監少者補縣僮唐志二品以下有白直執衣皆中男為之

○快手

快手之名起自宋書王鎮惡傳東從舊將猶有六隊千餘

白和錄

卷之二十四

人西將及能細直吏快手復有二千餘人建平王景素傳
左右勇士數十人竝荆楚快手黃回傳募江西楚人得快
射手八百南史作亦有稱精手者沈約自序收集得二千
精手南史齊高帝紀王蘊將數百精手帶甲赴粲袁梁書
武帝紀航南大路悉配精手利器尚十餘萬人

火長

今人謂兵為戶長亦曰火長崔豹古今注伍伯一伍之伯
也五人為伍五長為伯故稱伍伯一曰戶伯漢制兵五人
一戶竈置一伯故曰戶伯亦曰火伯以為一竈之主也通
典五人為列二列為火五火為隊唐書兵志五十人為隊
隊有正十人為火火有長又云十人為火五火為團別直

謂之火矣宋書卜天與傳少為隊將十人同火木蘭詩出
門看火伴柳子厚段太尉逸事狀叱左右皆解甲散還火
伍中或作夥誤

樓羅

唐書回紇傳加册可汗為登里頡咄登密施舍俱錄英義
建功毗伽可汗舍俱錄華言婁羅也蓋聰明才敏之意西
陽襍俎引梁元帝風人辭云城頭網雀樓羅人著南齊書
顧歡論云蹲夷之儀婁羅之辯北史王昕傳嘗有鮮卑聚
語崔昂戲問昕曰頗解此不昕曰樓羅樓羅實自難解時

唱染于似道我輩五代史劉銖傳諸君可謂樓羅兒矣今

作樓羅鶴林王宋史張思均起行伍征伐稍有功質狀

小而精悍太宗嘗稱其樓羅自是人目爲小樓羅焉

白衣

白衣者庶人之服然有以處士而稱之者風俗通舜禹本以白衣砥行顯名升爲天子史記儒林傳公孫弘以春秋白衣爲天子三公後漢書崔駰傳憲諫以爲不宜與白衣會孔融傳與白衣禰衡跌蕩放言晉書閻續傳薦白衣南安朱冲可爲太孫師傳胡奮傳宣帝之伐遼東以白衣侍從左右是也有以庶人在官而稱之者漢書兩龔傳聞之白衣師古曰白衣給官府趨走賤人若今諸司亭長掌固之屬蘇伯玉妻盤中詩吏人婦會夫希出門望見白衣謂當是而更非續晉陽秋陶潛九月九日無酒於宅邊菊叢

中坐望見白衣人乃王弘送酒是也人主左右亦有白衣南史恩倖傳宋孝武選白衣左右百八十人魏書恩倖傳趙修給事東宮爲白衣左右茹皓充高祖白衣左右

唐李泌在肅宗時不受官帝每與泌出軍人環指之曰衣黃者聖人也衣白者山人也則天子前不禁白清波禩志言前此仕族子弟未受官者皆衣白今非跨馬及弔慰不敢用

白衣但官府之役耳若侍衛則不然史記趙世家願得補黑衣之缺以衛王宮漢書谷永傳擢之皂衣之吏

詩麻衣如雪鄭氏曰麻衣深衣也古時未有棉布凡布皆麻爲之記曰治其麻絲以爲布帛是也

杜子美詩麻然則
鞋見天子

深衣亦用白

即

即者奴僕稱其主人之辭通鑑註門主家奴叶其王唐張

易之昌宗有寵武承嗣三思懿宗宗楚客晉卿等候其門

庭爭執鞭轡呼易之為五即昌宗為六即鄭杲謂索璟曰

中丞奈何卿五即璟曰以官言之正當為卿足下非張卿

家奴何即之有安祿山德李林甫呼十即王孫謂王鉷為

七即李輔國用事中貴人不敢呼其官但呼五即程元振

軍中呼為十即陳少游謁中官董秀稱七即是也其名起

自秦漢即官三國志周瑜至吳時年二十四吳中皆呼為

周即汪表傳孫策年少雖有位號而士民皆呼為孫即世

說桓石虔小字鎮惡年十七入不被舉而僮隸已呼為鎮

惡即後周書獨孤信少年好自修飾服章有殊於眾軍中

呼為獨孤即隋書滕王讚周世以貴公子又尚公主時人

號曰楊三即温大雅大唐創業起居注時文武官人竝未

署置軍中呼太子秦王為大即二即自唐以後僮僕稱王

人通謂之即今則輿臺厮養無不稱之矣韋堅傳三即當

歌玄宗行第三以天子而謂之三即亦唐人之輕薄也

又按北朝人子呼其父亦謂之即北史節義傳李憲為波

固長言至十餘歲恒呼固夫婦為即婆

○門生

後漢書賈逵傳皆拜逵所造弟子及門生為子乘王國即

是弟子與門生爲二歐陽公孔宙碑陰題各跋曰漢世公卿多自教授聚徒嘗數百人其親受業者爲弟子轉相傳授者爲門生今宙碑殘缺其姓名邑里僅可見者纔六十二人其稱弟子者十人門生者四十三人故吏者八人故民者一人愚謂漢人以受學者爲弟子其依附名勢者爲門生鄧壽傳時大將軍竇憲以外戚之寵威傾天下憲常使門生齋書語壽有所請託楊彪傳賣門令王甫使門生於京兆界辜椎官財物七千餘萬憲外戚甫奄人也安得有傳授之門生乎

南史所稱門生今之門下人也宋書徐湛之傳門生千餘人皆三吳富人之子姿質端妍衣服鮮麗每出入行游塗

巷盈滿泥雨日悉以後車載之謝靈運傳奴僮既衆義故門生數百南齊書劉懷珍傳懷珍北州舊姓門附殷積啟上門生千人充宿衛孝武大驚其所執者奔走僕隸之役晉書劉隗傳周嵩嫁女門生斷道斫傷二人建康左尉赴變又被斫南史齊東昏侯紀丹陽尹王志被驅急狼狽步走唯將二門生自隨后妃傳門生王清與墓工始下插劉歊傳游詣故人惟一門生持胡牀隨後是也其初至皆入錢爲之宋書顏竣傳多假資禮辭爲門生充朝滿野殆將千計梁書顧協傳有門生始來事協知其廉潔不敢厚餉止送錢二千協怒杖之二十南史姚察傳有門生送南布一端花練一疋察厲聲驅出是也故南齊書謝超宗傳

云自從王永先又云門生王永先謂之自從以其異於在
官之人陳書沈休傳建康令沈孝軌門生陳三兒牒稱主人翁顏氏家訓亦以門生僮僕並稱而宋
書顧琛傳尚書寺門有制八座以下門生隨入者各有差
不得祿以人士其冗賤可知矣梁傳昭不蓄私門生蓋所
以矯時人之弊乎

守門之人亦有稱門人者春秋襄公二十九年闔弒吳子
餘祭公羊傳闔者何門人也韓非子門人捐水而夷射誅

○府君

府君晉漢時太守之稱三國志孫堅襲荊州刺史王叡叡
見堅驚曰兵自求賞孫府君何以在其中孫策進軍豫章
羣歆爲太守葛中迎策策謂歆曰府君年德名望遠近所

歸

官人

南人稱士人爲官人昌黎集王適墓誌銘一女憐之必嫁
官人不以與凡子是唐時有官者方得稱官人也杜子美
逢唐興劉主簿詩劍外官人冷

明制郡王府自鎮國將軍而下稱呼止曰官人

○對人稱臣

漢初人對人多稱臣乃戰國之餘習刺客傳聶政稱臣嚴仲子亦稱臣史

記高祖紀呂公曰臣少好相人張晏曰古人相與言多自

稱臣猶今人相與言自稱僕也西都賦李周翰註臣者男子之賤稱古人謙退皆稱

之至天下已定則稍有差等而臣之稱惟施之諸侯王故

韓信過樊將軍噲噲趨拜送迎言稱臣曰大王乃肯臨臣

陳平周勃對王陵亦曰臣不如君至文景以後則此風漸衰而賈誼新書

有尊天子避嫌疑不敢稱臣之說王子侯表有利侯釘坐

遺淮南王書稱臣棄市功臣侯表安平侯鄂但坐與淮南

王女陵通遺淮南王書稱臣盡力棄市平棘侯薛瓌坐受

淮南王賂稱臣在赦前免免侯爵皆在元狩元年而嚴助傳

天子令助諭意淮南王一則曰臣助冉則曰臣助史因而

書之未嘗以為罪則知釘等三人所坐者交通之罪而自

此以後廷臣之於諸侯王遂不復有稱臣者爾晉時有自稱民者世

臣如故宋書孝武孝建元年十月己未大司馬江夏王義

恭等奏郡縣內史及封內官長於其封君既非在三罷官

則不復追敬不合稱臣詔可齊梁以後王官仍復稱臣隋書

諸侯王有自稱臣者齊哀王遺諸侯王書曰惠帝使留侯

張良立臣為齊王是也天子有自稱臣者高祖奉玉卮起

為太上皇壽曰始大人常以臣無賴不能治產業景帝對

竇太后言始南皮章武侯先帝不侯及臣即位乃侯之是

也此二條當云天子對父母稱臣

○先卿

稱其臣為卿則亦可稱其臣之父為先卿宋史理宗紀王

部侍郎朱在進對奏人王學問之要上曰先卿中庸序言

之甚詳朕讀之不釋手恨不與同時此如商書之言先正保衡蓋尊禮之辭也

先妾

人臣對君稱父為先臣則亦可稱母為先妾左傳晏嬰辭齊景公曰君之先臣容焉戰國策匡章對齊威王曰臣非不能更葬先妾也陳沈炯表言臣母妾劉年八十有一臣叔母妾丘七十有五

稱臣下為父母

父母二字乃高年之稱漢文帝問馮唐曰父老何自為郎是稱其臣為父也史記文帝又問則曰父知之乎是當時面言如此漢書以人主嫌於稱父乃係一字曰父老知趙王謂趙括母曰母置之吾已決矣是稱之乎失之矣

其臣之母為母也

人臣稱人君

人臣有稱人君者漢書高帝詔曰爵或人君上所尊禮師古曰爵高有國邑者則自君其人故云或人君也

郡縣初立亦有君臣之分故尉繚說秦王曰以秦之強諸侯譬如郡縣之君臣水經注引黃義仲十三州記曰郡之言君也改公侯之封而言君者至尊也今郡字君在其左邑在其右君為元首邑以載民故取名於君謂之郡

上下通稱

漢書霍光傳鴟數鳴殿前樹上師古曰古者室屋高大則通呼為殿耳非止天子宫中黃霸傳丞相請與中二千石

博士禰問郡國上計長吏守丞為民與利除害者為一輩
先上殿師古曰殿丞相所坐屋也董賢傳為賢起大第北
闕下重殿洞開後漢書蔡茂傳夢坐大殿註屋之大者古
通呼為殿也
三國志張遼傳為起第舍又特為遼母作殿左思魏都賦
都護之堂殿居綺窗是人臣亦得稱殿也鮑宣傳為豫州
敕行部乘傳去法駕駕一馬是人臣亦得稱法駕也舊唐
書吳元濟傳詔以裴度為彰義軍節度使兼申光蔡四而
行營招撫使以鄆城為行在蔡州為節度所是人臣亦得
稱行在也

漢人有以郡守之尊稱為本朝者司隸從事郭究碑云本
朝察孝貢器帝庭豫州從事尹宙碑云綱紀本朝是也三國

志孫浩傳許郡疇為會稽郡功曹自言位極朝心晉盧湛
贈劉琨詩謬其疲練授之朝右李善註朝右謂朝加駕也

亦謂之郡朝後漢書劉寵傳山谷鄙生未嘗識郡朝是也

亦謂之府朝晉書劉琨傳造府朝建市獄是也州刺史

胡三省通鑑註晉宋之間郡曰郡朝府曰府朝潘王
曰藩朝宋武帝為宋王齊高帝為齊王時曰藩朝亦有

以縣今而稱朝晉潘岳為長安令其作西征賦曰勵疲鈍

以臨朝是也

漢丹陽太守郭旻碑有曰君之弟故太尉薨歸葬舊陵歐

陽永叔以人臣為疑蓋待見唐盧象駿武承訓造陵之奏

以謂陵之稱謂施於尊極不屬王公已下舊唐書此曰南
德盛傳

北朝已後然爾按水經注言秦名天子冢曰山漢曰陵又

引風俗通言王公墳壠稱陵書中有子夏陵老子陵及諸

王公妃之陵甚多後漢書明章二帝紀言祠東海恭王陵定陶太后恭王陵東平憲王陵沛獻王陵西京禰記董仲舒之墓稱下馬陵李肇國史補武帝幸宜春苑每至此陵也白樂天琵琶行曹公祭橋玄文北望貴土乃心陵墓三家在蝦蟇陵下任國志註陳思王上書言陛下既爵臣百寮之右居藩國之任屋名為宮家名為陵則人臣而稱陵古多有之不以為異也呂東萊大事記墓之稱陵古無貴賤之別國語管仲曰定民之居成民之事陵為之終是凡民之墓亦得稱陵人臣稱鹵簿石林燕語曰鹵簿之名始見於蔡邕獨斷唐人謂鹵簿也甲楯之別名凡兵衛以甲楯居外為前導捍蔽其先後皆著之簿籍故曰鹵簿因舉南朝御史申丞建

康令皆有鹵簿為君臣通稱利氏通典有伴官鹵簿南史顏延之傳嘗乘羸生車逢子竣鹵簿王僧儒幼隨其母至市遇中丞鹵簿驅迫溝中

今人以皇族稱為宗室考之於古不盡然凡人之同宗者即相謂曰宗室左傳昭六年宋華亥讒華合比而去之左師曰女喪而宗室於人何有魏書胡叟傳叟與始昌雖宗室性氣殊詭不相附北齊書邢邵傳十歲便能屬文族兄巒有人倫鑒謂子弟曰宗室中有此兒非常人也張雕傳口人何洪珍大蒙主上親寵與張景仁結為婚媾雕以景仁宗室自託於洪珍後周書裴俠傳撰九世伯祖貞侯傳欲使後生奉而行之宗室中知名者咸付一通薛端傳為東魏行臺薛循義所逼與宗室及家僮等走免杜叔毗傳

兄君錫及宗室等為曹策所害徐陵集有在北齊與宗室書

顏氏家訓論孫楚王驃騎誅云奄忽登遐以為非所宜言然夏侯湛昆弟誥曰我王母薛妃登遐又曰蔡姬其祖之繼室登遐則晉人固嘗用之不以為嫌也

人臣稱諒闇晉書山濤傳除太常卿遭母喪歸鄉里詔曰山太常尚居諒闇

人臣稱大漸列子李梁得疾七日大漸齊王儉祐淵碑文景命不永大漸彌留任助竟陵王子良行狀大漸彌留話言盈耳沈約安陸王緬碑文遺疾彌留歿焉大漸隋鷹揚郎將義城子梁羅墓誌大漸之期春秋六十有一唐王紹

宗為其兄玄宗臨終口授銘吾六兄同人見疾大漸惟幾盧藏用蘇許公瓌神道碑文大漸之始遺令遵行書武成垂拱而天下治記玉藻凡侍於君紳垂足如履齊願雷垂拱是垂拱之云上下得同之也

人臣稱萬歲

錄中所引諸史皆係謝恩之辭非人臣稱萬歲也

後漢書韓棱傳實憲有功還尚書以下議欲拜之伏稱萬歲按正色曰夫上交不諂下交不黷禮無人臣稱萬歲之制議者皆慙而止然考之戰國策言馮煖為孟嘗君以責賜諸民因燒其券民稱萬歲史記但云坐馬按傳言援擊牛醢酒勞饗軍士吏士皆伏稱萬歲馮勛傳言責讓賊延褒等令各反農桑皆稱萬歲吳良傳註引東觀記歲旦郡

門下掾王望舉觴上壽掾史皆稱萬歲則亦當時人慶幸
之通稱而李固出獄京師市里皆稱萬歲遂爲梁冀所忌
而卒以殺之亦可見其爲非常之辭矣



